

الرسول ﷺ و الوفاء "الجزء الثاني" | الحلقة (11)

#لو_عرفوه_لأحبوه | د. حازم شومان

حازم شومان

السلام عليكم ورحمة الله وبركاته. الحمد لله. حمداً كثيراً طيباً مباركاً فيه. غير مكفي ولا مكفور ولا مودع ولا مستغنى عنه ربنا. اللهم اطعمنا وسقيت واغنيت واهديت واجتبينا فلك الحمد على ما اعطيت - [00:00:31](#)

اللهم صل على حبيب قلوبنا وعلى طبيب قلوبنا وعلى شفيعنا يوم العرض عليك. محمد صلى الله عليه وسلم في الاولين والاخرين والملا الاعلى الى يوم الدين. اما بعد اخواني واحبابي في الله تخيلوا لو قائد عسكري داخل معركة فاصلة داخل معركة - [00:00:51](#) بصيرية وهو داخل المعركة داهية جندي من الجنود عارف اتجاه المعركة بعث للاعداء قال لهم ان القائد ده هيدخل المعركة الفلانية وجاي لكم عشان يحاربكم. القائد يعمل في الجندي ايه؟ تخيلوا يا جماعة دي في الاعراف العسكرية ايه؟ تخيلوا ان في واحد من اصحاب النبي عليه الصلاة والسلام - [00:01:10](#)

عمل كده مع النبي عليه الصلاة والسلام. حاطب ابن ابي بلتعة رضي الله عنه. بعد كل التاريخ بتاعه في الاسلام. لما النبي جه يفتح مكة بعث لاهل مكة اخبارهم باللي النبي عليه الصلاة والسلام ناوي ان هو يعمله. فلما علم النبي عليه الصلاة والسلام ارادوا الصحابة انهم يقتلوا. ده خيانة عسكرية. اراد الصحابة انهم يقتلوه - [00:01:30](#)

النبي عليه الصلاة والسلام قال ايه ؟ قال كلمة ما فيش قائد عسكري في تاريخ البشرية عمل كده مع جندي من جنوده. قال لعل الله قد اطلع على اهل بدر فقال اعملوا ما شئتم فاني غفرت لكم. يعني قال لهم وفاء لوقفته مع الاسلام - [00:01:50](#)

كان يوم غزوة بدر انا مش هعمل فيها حاجة النهاردة. لعل الله قد اطلع على اهل بدر. فقال اعملوا ما شئتم فاني قد غفرت لكم. يا اخوانا الوفاء يا جماعة الوفاء جميل او اي يا اخواني. الوفاء حاجة مدهشة. الوفاء من اسباب ان فيه ملائين مملينة وفيه شعوب - [00:02:10](#)

دخلت في الاسلام. عارفين بلد اسمها حمص. بلد عربية مشهورة. من بلاد سوريا اسمها حمص. المسلمين لما فتحوها يا اخوانى خدوا الجزية من اهلها واهلها لسة على الشرك وعلى الدين غير الاسلام. فخدوا الجزية من اهلها. فلما خدوا الجزية جه الرومان عملوا هجمة على - [00:02:29](#)

المسلمين فالمسلمين الجيش بتاعهم ما كفاش ان هو يحارب الرومان. فاستعنوا باهل حمص فاهل حمص وقفوا معهم في الجيش الاسلامي. فلقو المسلمين يرجعوا لهم الجزية. فقال يا حمزة قال لهم ايه ده! ده الجزية اللي احنا دفعناها لكم. قالوا لهم لا. كنا نأخذ الجزية منكم من اجل ان نحميكم. اما الان وانتم - [00:02:48](#)

شاركوا لنا في القتال فلن نأخذ منكم الايه؟ الجزية بسبب الموقف ده في الوفاة. بسبب الوفاء بتاع المسلمين. للحاجة اللي اهل حمص عملوها معهم. وبسبب انهم رجعوا لهم الجزية بتاعتهم. كانت النتيجة ان اهل حمص كلهم دخلوا في الاسلام. اهل حمص كلهم - [00:03:08](#)

دخلوا في الاسلام بسبب الوفاء يا اخوانى. الوفاء نبي الوفاء. اعظم شخصية في التاريخ اتكلمت عن الوفاء. اعظم مصلح في التاريخ اهتم بقضية الوفاء النبي عليه الصلاة والسلام ابو النبي عليه الصلاة والسلام حاطب ابن ابي بلتعة اللي عمله لا يمكن قائد عسكري ما كانش يعدم اللي عمل هزا - [00:03:28](#)

الامر انه افشي سر عسكري لمعسكر الاعداء. ولكن النبي عليه الصلاة والسلام بعثت له قال له ما حملك على هذا يا حاطب؟ فسيدنا حاطب قال له يا رسول الله انا ما ليش حد في مكة - 00:03:48

وللي قرايب في مكة. آفانا خفت على اهلي ان اهل مكة يؤذوهم. انما كل الصحابة لهم قرايب في مكة. يمنعوهم لو جيت تفتح مكة يا رسول الله سيدنا محمد عليه الصلاة والسلام قبل منه عذره وقال لعل الله قد اطلع على اهل بدر. فقال اعملوا ما شئتم فاني قد غفرت لكم. وفاء النبي عليه الصلاة والسلام - 00:03:58

وفاء النبي لاصحابه. شوفوا الانصار بعد ما وقفوا مع النبي عليه الصلاة والسلام في سنوات الدعوة. النبي قال ايه؟ قال اوصيكم بالانصار. النبي بيوصي بنفسه الامة كلها على الانصار. اوصيكم بالانصار فانهم كرسي وعيتي. ده دول اقرب ناس لي في الدنيا. دول اللي حموني. دول اللي شالوا الدين معى - 00:04:18

قضوا الذي عليهم وبقي الذي لهم. فاقبلوا من محسنهم وتجاوزوا عن مسيئهم. النبي عليه الصلاة والسلام بيوصي بالاصدقاء النبي عليه الصلاة والسلام بيقول اية الايمان حب الانصار. النبي عليه الصلاة والسلام بيقول لو سلك الناس شعبا. وسلك الانصار شعبا لسلكت شعب الانصار - 00:04:38

النبي عليه الصلاة والسلام يا اخواني بيوفي لاصحابه الجميل بتأتهم. الوقفة بتاعتتهم اللي وقفوها مع الاسلام. عشان كده اصحاب النبي عليه الصلاة والسلام اتعلموا الوفاء من النبي شوفوا سيدنا خبيب رضي الله عنه وهو بيقتل لما ابو سفيان علقه على نخلة في التنعيم قبل ما يقتله. فقال له اتحب ان محمدا مكانك - 00:04:58

الوقتي خبيب ابن عدي جا له امل تاني ان المشركين يسيبوه. ليه؟ هو في موقف متعلق وابو سفيان بيسأله سؤال. لأن المعنى لو انت وجبت وشتمت في محمد بن عبدالله الوقتي انا ممكن اخف العقوبة عنك. انا ممكن اعفو عنك. فيبيقول له اتحب ان محمدا مكانك؟ كل الناس في الموقف ده بتتبرأ من بعض يا جماعة - 00:05:18

كل الناس لما الاعداء بيقبضوا عليهم معسكر الاعداء بيقبض عليهم بيتبرأوا من بعض يا اخواني. فسيدنا آخبيب ابو سفيان قال له اتحب ان محمدا مكانك وانت في بيتك فسيدنا خبيبة قال له ايه؟ قال له والله ما احب اني في بيتي ورسول الله - 00:05:38 صلى الله عليه وسلم يشاك بشوكة. ما احبش ان في بيتي والنبي عليه الصلاة والسلام بيشك بشوكة. الكلمة طبعا حرقت قلب ابو سفيان. فاخذ يضرره لحد ما ادمي ايديه ورجليه وقطع من جسده ثم ايه؟ ثم قتل يعني يا جماعة الوفاء للنبي عليه الصلاة والسلام ما باعش ما بيبيعش اصحاب النبي اتعلموا - 00:05:58

ما يبعوش. اتعلموا انهم ما يقلبوش. اتعلموا انهم ما يتغيروش. اتعلموا انهم على العهد لا يتغيروا. زي الشيخ حسن البنا رحمه الله. لما فكان في رحلة خلوية مع بعض اخوانه. الشراع كان مضلل عليهم. فلما المركب غيرت اتجاهها. فالشمس ضربت فيهم. فالحر لما اشتند - 00:06:18

الكل غير اتجاهه للناحية الثانية. فسألوه لماذا لم تغادر مكانك؟ فقال نحن الذين لا يتغير هي دي الوفاة يا جماعة احنا اللي احنا عليه. احنا ما بنبدلش ما بنقلبس ما بنتغيرش ما بنبعش - 00:06:38

ما بنسبش هو ده الوفاء. عشان كده النبي عليه الصلاة والسلام قالوا ان النبي عليه الصلاة والسلام يعني مصلح مات زي ما عاش. بدأ طريقه وختم الطريق زي ما بدأ الطريق. كل المصلحين بيغيروا مبادئهم - 00:06:53

بيغيروا رفقتهم. بيغيروا خط سيرهم. النبي عليه الصلاة والسلام تلات حاجات فضل وفي لها. وفي لطريقه. وفي لمبادئه. وفي للناس اللي شالت الدين في البداية. هاتوا اي مصلح كده او اي قائد تلاقوه في نهاية حياته. كل اللي حواليه غير اللي كانوا حواليه في بداية حياته. ليه؟ لانه بيغير اللي حواليه بيتشكل - 00:07:08

ده بيسيب وبيسيب ده. تلاقوه غير شوية حاجات في مبادئه. اللي ما بيغيروا مبادئه ولا طريقه ولا رفقاؤه. ده القائد اللي انت عمرك وانت مؤمن على عمرك. ليه؟ لانه عمره ما هيسبيك. عمره ما هيسبيك. وفاء النبي عليه الصلاة والسلام مع ابو جندل. ابو جندل يا اخواني جاء في اغلاله - 00:07:28

يوم صلح الحديبية ورمي نفسه وآيديه ورجليه بتنزف دم من الأغلال. الصحابة كانوا هيجنوا كانوا هيفقدوا صوابهم من كثر القهر على موقف ابو جندل فابو جندل بيقول اتتركوني ارد الى المشركين؟ فالنبي عليه الصلاة والسلام كان خلاص ماضى على المعاهدة ان هو ما يرجعش واحد من المشركين - 00:07:48

اسلم لي. فقال ان بيننا وبين القوم عهد وان الله يا ابا جند الجاعل لك فرجا ومخرجا. ربنا فرج كرب ابو جندل وجعل له فرج ومخرج. والنبي عليه الصلاة والسلام ما نكسش العهد - 00:08:08

النبي عليه الصلاة والسلام كان اوفى الناس. كان اوفى الناس. عشان كده اصحاب النبي عليه الصلاة والسلام طلعوا من اية من ايات ربنا في الوفاء. سيدنا انس ابن النضر رضي الله عنه. فاتته - 00:08:21

غزوة بدر حزن اوي. فقال لان ادرك مشهدا اخر مع رسول الله صلى الله عليه وسلم. ليりين الله ما اصنع. انا انا اولي الله من نفسي خيرا او جت غزوة تانية مع النبي عليه الصلاة والسلام. عاشر ربنا. فلما جت غزوة احد انس ابن النضر دخل المعركة - 00:08:31

انت متاخر دخل المعركة وقد اشاع ان النبي عليه الصلاة والسلام قتل. والصحابة استسلموا وقعدوا على الناحية الثانية من جبل احد. وتركوا السيوف وقالوا خلاص مات رسول الله سلم انس ابن القبر جاي يدخل فلاقيم بيقولوا مات رسول الله داخل تعامل ايه يا انس؟ الصحابة اللي جوة في الناحية الثانية من الجبل بيقطعوا الوقت جسسمهم بيمسل بها. هتدخل تعامل ايه - 00:08:51

قال انس واها لاواها لريح الجنة. اني لاجد ريح الجنة دون احد. انا شامم ريححة الجنة على الناحية الثانية من الجبل. اللهم اني اعتذر اليك مما فعل هؤلاء اللي هم الصحابة. وابرأ اليك مما فعل هؤلاء اللي هو المشركين. قوموا فموتوا على ما مات عليه - 00:09:12 رسول الله صلى الله عليه وسلم قوموا. طب هتعيشوا ما تفعلون بالحياة بعد رسول الله. صلى الله عليه وسلم وطلع من على الجبل ونزل الناحية الثانية. وفضل يقاتل جيش المشركين هو بيحسب النبي مات. ما يعرفش ان النبي عليه الصلاة والسلام لسة حي. فخد تسعين طعنة وضربة سهم وطعنة سيف لدرجة - 00:09:32

ان جسمه كله اقطع ما حدش عارفه. ما حدش عارف ده مين اصلا بعد المعركة. ما عرفتوش الا اخته من شكل صوابع ايديه. كان شكل صوابع ايديه مميز عرفته اخته من شكل صابع ايديه. المكان الوحيد في جسمه اللي ما حدش ضربة سيف. سيدنا انس ابن النضر ووافي بعهده يا جماعة - 00:09:52

سيدنا انس ابن النضر عنده وفاء. الوعد اللي وعده لله. العهد اللي عاشر ربنا عليه وفي به. فربنا سبحانه وتعالى انزل قرآن في انس ابن النضر المؤمنين رجال صدقوا ما عاهدوا الله عليه. هم دول الصادقين. ربنا نزل قرآن في الوفاء - 00:10:10

ربنا من حب ربنا في الوفاء نزل قرآن في موقف الوفاء. العظيم ده اهو. عكس بقى قول الله سبحانه وتعالى. ومنهم من عاشر الله لان اتانا من فضله لنتصدقن ولنكونن من المحسنين. فلما اتاهم من فضله بخلوا به وتولوا وهم معرضون - 00:10:27

فاعاقبهم نفاقا في قلوبهم الى يوم يلقونه بما اخلفوا الله ما وعدوه. يعني سبحانه الله العظيم عكس واحد صدق الله عاشر الله علي.

وواحد تاني قال يا رب اديني الدنيا وانا يا رب هابقى بتاع دين وهابل عليك وخان العهد - 00:10:49

ومكث العهد وغدر بالعهد ولم يوفي لله سبحانه وتعالى ما عاشر الله سبحانه وتعالى عليه. الوفاء يا جماعة عشان كده سيدنا عمارة بيزيid السكن في غزوة احد يعني كان بيموت فلما سمع ان النبي في خطر فضل يزحف لحد ما وصل للنبي عليه الصلاة والسلام ووضع رأسه على رجل النبي ومات - 00:11:06

سيدنا محمد قال اللهم اني اشهدك انه وفي النبي عليه الصلاة والسلام بيشهد ربنا ان ذلك الانصارى وفي ما عاشر الله عليه انه سينصر النبي. صلى الله عليه وسلم. عشان كده اصحاب النبي طلعوا اية من ايات - 00:11:26

في الوفاء. لأن النبي عليه الصلاة والسلام كان اية من ايات ربنا في الوفاء يا جماعة. النبي كان وفي مع اصحابه وفي مع اعدائه. خدنا المرة اللي فاتت وفاؤه مع خديجة - 00:11:40

هي في قبرها كان بيحافظ على مشاعرها ازاي؟ خدنا وفاء النبي عليه الصلاة والسلام مع الجميع وفاء النبي في احلك الظروف. وفاء النبي عليه الصلاة والسلام في كل الظروف الصعبة. فتخيلوا اصحاب النبي عليه الصلاة والسلام طلعوا في الوفاء شكلهم ايه -

الانصار اللي عاهدوا النبي في يوم من الايام لما قال لهم اوعى تعاهدوني على ان تمنعوني مما تمنعون منه نسائكم وابناءكم يوم غزوة احد اقتل منهم حوالي سبعين واحد اول ما النبي ا تعرض للخطر ووفه بالعهد اللي عاهده النبي عليه الصلاة والسلام عليه في بائعة العقبة. واقتلم واقتقطع قدام النبي عليه الصلاة والسلام. انس ابن النظر - 00:12:06

النصر اقتل وآآ كثير جدا من الانصار يا اخوانى في الله قتلوا في ذلك وعمر ابن يزيد السكن اقتل وسعد ابن الربيع اقتل وآآ عبدالله بن حرام اقتل وعمرو ابن الجموحى اقتل. كثير جدا من اصحاب النبي عليه الصلاة والسلام. وفي ما عاهد الله عليه وقتلو - 00:12:30

يا جماعة في هذا الموقف الرهيب الوفاء الوفاء يا اخواننا حتى السلف سيدنا عمر ابن عبدالعزيز رحمه الله يعني لما المسلمين فتحوا فتح يعني ناحية سمرقند وفتحوا البلد بس فتحوها عنوة مفاجأة من غير ما يدومهم مهلة تلات ايام. فالكافار اللي هناك رفعوا الامر للقاضي المسلم. قالوا له - 00:12:50

احنا اتفتحت البلد علينا عنوة وانتم عندكم انكم لازم تمهلونا تلات ايام فحكم القاضي بخروج الجيش الاسلامي وتسليم البلد لهذا مرة اخرى. بعد ما انتصرنا. في المعركة هو ماتش الكورة هنرجع فيه. بعد ما انتصرنا في - 00:13:10

الكافار ذهلو. فدخلت المدينة كلها في الاسلام بسبب الوفاء. بسبب الوفاء وحفظ العهد اللي عند المسلمين ربنا علمنا الوفاء. ده ربنا نفسه قال على نفسه وما كان ربك نسيها. يعني ربنا ما بينساش الجميل. مش ما هو ما حدش يقدر يعمل لربنا فضل - 00:13:25
ولكن ربنا ما بينساش العمل الجميل. ربنا ما كان ربك نسيها. اية بتتملى القلب بالامل. ربنا مش هيensi للك كل يوم صمت فيه. ربنا مش هيensi للك كل ليلة قمت فيها. ربنا مش هيensi للك كل سجدة بكيت فيها. ربنا مش هيensi للك مش هيensi للك كل اية قرأتها. ربنا مش هيensi للك كل مرة اتكلمت عنه فيها - 00:13:45

ربنا مش هيensi للك كل مرة تعبت عشانه فيها. اية بتتملى القلب بالامل اذا كان ربنا ما بينساش الفضل. هننسى لربنا سبحانه وتعالى الفضل يا اخوانى في الله الملائكة الاسلام ده اعظم دين اتكلم عن الوفاء. الملائكة في الاسلام - 00:14:05

يعني شخصيات مليانة وفاء. ان الذين قالوا ربنا الله ثم استقاموا تتنزل عليهم الملائكة تتنزل عليهم الملائكة وهم بيموتوا. الا تخافوا ولا تحزنوا وابشروا. الملائكة عندها وفاء كان بينها وبين المؤمنين صحبة في العمل الصالح. كان بينها وبين - 00:14:20
المؤمنين عشرة. ساعة الموت مش راضية تسبيبهم لواحدهم. وفاء الملائكة. نحن اولياً لكم في الحياة الدنيا وفي الآخرة. الملائكة بتقول احنا كنا معكم في الدنيا وهنبقى معكم في الموت وهنبقى معكم في الآخرة في الصراط والميزان والحضر والبعث والقبر مش هنسيبكم ابدا. وفاء الملائكة حتى - 00:14:40

في الجنة والملائكة يدخلون عليهم من كل باب. احنا كنا معكم في الدنيا بتدخل عليكم نؤنسكم في العبادة وفي الجنة مش هنسيبكم كنتم بتتمتعوا بل هنفضل نخدمكم في الجنة. دعواهم فيها سبحانه الله. اول ما تحتاجوا اي حاجة قولوا سبحانه نيجي لكم. نخدمكم - 00:15:00

بالحاجة اللي انتم عايزيتها. زي وفاء لعبادتكم لربنا في الدنيا. الاسلام كل وفاء يا جماعة. الاسلام دين الوفاء الاسلام علمنا الوفاء العظيم. علمنا ازا يكون عندنا وفاء في كل موقف من مواقف حياتنا. عشان كده ساعة الطلاق الطلاق اللي يحتاج - 00:15:20
اللي الناس بتموت بعض فيه. اللي الناس بتتجري على المحاكم فيه. حتى الملتزمين كل ده دي تقوم محامي ومحامي ويقطعوا بعض. شوفوا ربنا ساعة الطلاق بيقول ايه. ولا تنسوا الفضل بينكم. او عي تنسي لجوزك اللي بيطلقك النهاردة ايامه - 00:15:39

حلوة معك. او عي تنسي لمراتك فضلها عليك امبراح. اتعاملوا مع بعض في الفضل. في الوقت اللي ما حدش بيطبق يتعامل فيه بالعدل. اتعاملوا مع بعض بالفضل ولا تنسوا الفضل بينكم. ربنا بيأمر بالوفاء ساعة الطلاق يا اخوانى في الله. عشان كده مازا لو غاب الوفاء من الدعاء الى الله - 00:15:59

في سورة النحل اللي ربنا اتكلم عن الدعوة الى الله الدعوة اللي زي النحل اللي بيلف على الف زهرة من من دروس العلم عشان يطلع الناس معلقة عسل صغيرة ياخدوها يتوبوا لربنا بسببها. ربنا اتكلم عن الدعوة الى الله في سورة النحل. في النهاية ربنا بيتكلم عن حفظ - 00:16:19

العهد والوفاء عند الدعاء. فيبيقول واوفوا بعهد الله اذا عاهدتم. اوعوا يا اصحاب محمد. اوعوا تغدروا في العهد اوعوا تبقو غادرين. النبي عليه الصلاة والسلام يقول ان يوم القيمة يرفع لكل غادر لواء اللي ما كانش وفي يتفضح فضيحة عالمية - 00:16:39 على رؤوس الخلائق كلها يوم القيمة. فضيحة عالمية يوم القيمة. بل ربنا قال والذين ينقضون عهد الله من بعد ميثاقه. ويقطعون ما امر الله به ان يوصل ويفسدون في الارض اللي ما عندهمش وفاء. اولئك لهم اللعنة ملعونين في الدنيا. ويوم القيمة هو الوفاء خطير للدرجة دي. فربنا بيقول - 00:16:57

واوفوا بعهد الله اذا عاهدتم اوعوا تغدروا. اوعوا تغدروا ولو مع كافر. اوعوا تغدروا ولو مع مشرك. اوعوا تغدروا مهما كان اللي قدامكم عدو ومؤذني بيقول لهم بعدها ولا تكونوا كالتي نقضت غزلها من بعد قوة انكاثا. اوعوا اللي انتم بنيتوه في الدعوة بدعوتكم - 00:17:17

تهدوه بسوء اخلاقكم. تهدوه بعدم وفائهم. ربنا بيقول بعدها ولا تتخذوا ايمانكم دخلا بينكم فتزل قدم بعد ثبوتها انها ستنتكس. الناس هتكره الدين لو انتم ما كانش لكم كلمة. الناس هتكره الدين لو اهل الدين ما كانتش كلمتهم سيف على رقبتهم - 00:17:37 لو ما حفزوش العهد لو ما حفزوش الجميل. لو ما حفزوش العشرة الناس هتكره الدين لو اهل الدين كلمتهم بقت ما هي السيف على رقبتهم. ولا تتخذوا ايمانكم دخلا بينكم. فتزل قدم بعد ثبوتها. الناس تنتكس. وتذوق السوء زي اللي حصل - 00:17:57 بعد خمسة وعشرين ينابير وتذوق السوء بما صدقتم عن سبيل الله. مش انتم الدعاء الى الله انتم اللي هتبقو سبب تنفير الناس عن الدين. لو بعدتوا عن اخلاق محمد بن عبد الله لو بعدت عن وفاء الرسول عليه الصلاة والسلام - 00:18:17 تخيلا يا جماعة الوفاء له مقام عالي او في الدين للدرجة ديت. الوفاء له مقام عظيم او في الاسلام للدرجة ديت. الوفاء له هذا المقام المهوول في الاسلام لهذه الدرجة التي تحدث الله عنها والتي فعلها النبي صلى الله عليه وسلم يعني ايه الوفاء في نهاية الحلقة؟ الوفاء رقم واحد هو حفز - 00:18:32

كلمة ان كلمتك تبقى سيف كلمتك تبقى سيف. لو اديت ميعاد لواحد. لو اديت وعد لواحد. لو اديت عهد على نفسك حتى لو عهد مع كفار. الوفاء هو حفز الجميل. ده المعنى - 00:18:52

خدوا بالكم من الكلام الخطير ده يا جماعة. لأن ده الكلام العملي اللي هنخرج به. يبقى رقم واحد حفز الكلمة. ان الكلمة بتاعتنا تبقى سيف نقول كلمة تبقى على رقبتنا خلاص لما ندي ميعاد. لما نتفق اتفاقية. المعنى الثاني للوفاء هو حفظ الجميل. حفظ الفضل - 00:19:04

اللي له فضل علينا ولو في يوم من الايام النبي المرأة اللي كتست المسجد صمم يروح يصلى عليها على قبرها بعد ما ماتت لانه ما عرفش ميعاد جنازتها. النبي عليه الصلاة والسلام حليمة - 00:19:24

السعدية بعد ستين سنة فاكر لها جميلة. النبي عليه الصلاة والسلام وفد النجاشي يخدمهم باليديه. لأنهم خدموا اصحابه في الحبشة. النبي عليه الصلاة والسلام بعد حداشر سنة من موت خديجة تيجي المرأة اللي كانت بتزوره ايام خديجة يكرمها. ويقول ان حسن العهد من الايمان. النبي عليه الصلاة والسلام ما ينساش - 00:19:34

جميل حد ما ينساش معروف حد. النبي عليه الصلاة والسلام يقول اسرى بدر. يقول لو كان المطعم ابن علي حيا اللي مرة من المرات اغاث النبي - 00:19:55

ودخلوا مكة في حمايته لو كان المطعم ابن عدي حيا ثم كلمني في هؤلاء لتركتهم الي سبعين اسير كلهم كنتم قولهم النبي عليه الصلاة والسلام حفزك جميل حفز الفضل النبي دافع عن اصحابه دافع عن ابو بكر دافع عن الانصار حفظهم فضلهم دافع عن خديجة قدام عائشة مراته - 00:20:05

الصغيرة وقال لها هي افضل منك ما ابدلني الله خيرا منها. وخدية ميطة في القبر حفظ الفضل. النبي ما رضاش يتجوز على خديجة حفظ الفضل لانها سدته. يبقى النوع الثاني حفظ جميل. جميل امك. جميل ابوك. جميل المدرس اللي علمك الف به في ابتدائي.

جميل اللي كانت سبب في - 00:20:25

جميل اللي حفظ قرآن. جميل اللي علمك العلم. جميل شيخك اللي علمك الدين ووعظك في يوم من الايام. وشريطه ودروسه هزت قلبك في الدين والايام. جميل انك تحفظ جميل الاسلام عليك. جميل النبي عليه الصلاة والسلام عليك. فتحفظ سنته وتدافع عنه لما حد يتجروا عليه - 00:20:45

انك تحفظ نعم ربنا وتبقى وافي لنعم ربنا. وتشكر ربنا عليها. الوفاء المعنى الثاني حفظ الجميل. المعنى الثالث حفظ العشرة حفظ العشرة كل واحد كان بينك وبينه عشرة. كل واحدة كانت بينك وبينها عشرة في يوم من الايام تحفظي الود. ان الود يفضل صافي. انك تحافظي - 00:21:05

على الود اللي بينك وبين الناس. ما تبقيش قلابة. ما تبقاش غدار. ما تبقاش قلاب. بيقول لك قلاب زي الايام او قلاب زي الزمن. ما دام ضحكة حبيبك في يوم من الايام طول ما هو على العهد تفضل انت على العهد. ان حسن العهد من الايمان. انك تفضل تحفظ العشرة.

المعنى الرابع - 00:21:25

للوفاء انك توفي بالديون اللي عليك. انك توفي بالامانات اللي عليك. انك توفي بالديون اللي عليك لأن الشهيد لو مات يغفر له كل الذنوب الا الدين يعني الا الوفاء. الا المشكلة اللي في الوفاء - 00:21:45

الوفاء مانع من موانع دخول الجنة لو كان الانسان ما اداش الحق بتاعه. الحقيقة يا اخواني مش عارف اقول ايه واسيب ايه. مش عارف انكلم عن ايه؟ انكلم عن ايه في الدين اللي قال ان اللي عنده مشكلة في الوفاء هيرفع له لواء لغدرته على رؤوس الخلائق يوم القيمة هيتفضح في ضياع - 00:22:00

ان اللي ما عندوش وفاء اولئك لهم اللعن. اقول ايه؟ في الدين اللي نزل قرآن في موقف الوفاء بتاع انس ابن النضر. اقول ايه في مواقف النبي الباهرة في الوفاء - 00:22:20

لدرجة لما شاف القلادة بتاعة خديجة بعد خمس سنين من موتها العقد بتاعها رق قلبها عليه الصلاة والسلام واطلق الاسير زوج السيدة زينب من من غير ما ياخد منها حاجة عشان تذكر بس مشاعر قلبها ورقة قلبها تجاه السيدة خديجة الوفاء في الحروب. لما النبي ما رضاش يستعين - 00:22:30

خذيفة ابن اليمان وابو حسين وهو محتاج كل راجل يوم غزوة بدر قدام جحافل المشركين ما دام ادوا عهد للمشركين انهم مش هيقاتوا مع النبي عليه الصلاة والسلام ايه الوفاء ده؟ ايه اللمسات الانسانية دي؟ ايه المشاعر المرهفة دي؟ ايه حفظ العهد ده؟ ايه حفظ العشرة دي؟ الوفاء يا جماعة. عايزين نتعلم - 00:22:50

من وفاء ندعى ربنا اللهم خلقنا بالوفاء. اللهم ارزقنا الوفاء يا رب على سنة حبيبك محمد صلى الله عليه وسلم. اللهم اهدنا لاحسن الاخلاق. لا يهدي لاحسنها الا انت. واصرف عننا سيئها. لا - 00:23:10

عننا سيئة الا انت. اللهم حسن خلقنا كما حست خلقنا برحمتك يا ارحم الراحمين. سبحانه الله وبحمدك اشهد ان لا الله الا انت استغفك واتوب اليك وجزاكم الله خيرا - 00:23:30